



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 447 005
Centrala: 032 447-000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 01-02-1322/20
Zenica, 11.03.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude **MGM FARM doo Kakanj**, kao jedine dostavljene i najpovoljnije za javnu nabavku robe – **Lijek Alteplaza** za potrebe JU Kantonalna bolnica Zenica, ukupne vrijednosti ponude **120.700,00 KM bez PDV-a**, na trogodišnjem nivou, i dodjeljuje okvirni sporazum navedenom ponuđaču.

II

Javna nabavka je provedena putem pregovaračkog postupka bez objave obavještenja, tender broj: 31-A-05/20, uz objavu ex-ante obavještenja o transparentnosti.

III

Sa odabranim ponuđačem iz tačke I.ove odluke zaključuje se okvirni sporazum na procjenjenu vrijednost nabavke od **119.520,00 KM, bez PDV-a**, na period od 3 (tri) godine, a nakon pravosnažnosti ove odluke.

IV

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za nabavku robe - **Lijek ALTEPLAZA za potrebe JU KBZ (tender broj: 31-A-05/20)**, imenovana Odlukom direktora broj: 01-02-77-1/20 od 10.02.2020. godine podnosi direktoru JU Kantonalna bolnica Zenica izvještaj o provedenom postupku javne nabavke robe – **Lijek ALTEPLAZA za potrebe JU KBZ (tender broj: 31-A-05/20)** Odlukom direktora broj 01-02-77/20 od 10.02.2020.godine pokrenut je postupak javne nabavke robe – **Lijek ALTEPLAZA za potrebe JU KBZ (tender broj: 31-A-05/20)**, ukupne procijenjene vrijednosti **119.520,00 KM bez PDV-a** za zaključivanje okvirnog sporazuma na period od 3 tri godine pregovaračkim postupkom BEZ objave obavještenja o nabavci, a u skladu sa članom 21. st.1.tačka b) Zakona o javnim nabavkama.

Pregovarački postupak bez objave obavještenja je odabran za korištenje iz sljedećih razloga:

Dana 10.06.2019.g., pokrenuta je tenderska procedura javne nabavke lijekova 4.krug procijenjene vrijednosti nabavke 5.032.560,00 KM bez PDV-a na trogodišnjem nivou (otvoreni postupak uz namjeru provođenja e-aukcije, tender broj:11-45/19), u okviru koje je bila predviđena nabavka lijeka alteplaza, lot 28. ukupne procijenjene vrijednosti nabavke 119.520,00 KM, bez PDV-a. U roku određenom za prijem ponuda, nije bilo primljene niti jedne ponude za navedeni lot, te je odlukom direktora broj:20/1-12697 od 16.12.2019., poništena javna nabavka navedenog lijeka. Predmetna nabavka definisana je Planom javnih nabavki za 2019. godine, pod rednim brojem:I-A-1. Članom 21. stav (1), Zakona o javnim nabavkama propisano je da Ugovorni organi mogu izuzetno ugovore o nabavci dodjeljivati putem pregovaračkog postupka bez objave obavještenja o nabavci u sljedećim slučajevima:

- kada nijedna ponuda ili nijedna prihvatljiva ponuda nije dostavljena u otvorenom ili ograničenom postupku i kada uslovi za ugovor nisu bitno promijenjeni u odnosu na uslove iz predhodnog postupka,
- kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču,
- kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak sa objavom obavještenja. Okolnosti kojima se opravdava izuzetna hitnost postupka ni u kojem slučaju ne smiju se dovesti u vezu s ugovornim organom.

Članom 32. stav (1), Zakona o javnim nabavkama propisano je da Ugovorni organi mogu izuzetno zaključiti okvirni sporazum i nakon provedenog pregovaračkog postupka bez objave obavještenja o nabavci nakon poništenog otvorenog ili ograničenog postupka zbog toga što nije zaprimljena nijedna ili nijedna prihvatljiva ponuda.

Obzirom da su količine navedenog lijeka prema važećem okvirnom sporazumu skoro u cjelini realizovane, da je Bolnička apoteka uputila zahtjev za pokretanje procedure pregovaračkog postupka nabavke lijekova za gore navedene lijekove, broj:30-11-60/20 od 31.01.2020.g., da u otvorenom postupku nabavke nije primljena niti jedna ponuda, a da postoji hitna potreba nabavke navedenog lijeka zbog kontinuiranog liječenja teških pacijenata u Bolnici i da ne postoji niti jedna druga zakonska mogućnost za nabavku navedenog lijeka, smatramo da su ispunjeni uslovi za provođenje hitne nabavke navedenih lijekova putem pregovaračkog postupka bez objave obavještenja, za predviđene količine. Prije pokretanja pregovaračkog postupka, ugovorni organ je izvršio istraživanje tržišta, uputio zahtjev za dostavu ponude prema tri ponuđača koji se bave prometovanjem navedenih lijekova, nakon kojeg su pristigla jedna ponuda i to ponuda firme MGM Farm doo Kakanj na iznos od 121.348,80 KM, bez PDV-a, tako da se pregovarački postupak javne nabavke provede samo sa najpovoljnijim ponuđačem.

Na osnovu člana 28. st. (4) ZJN, u cilju transparentnog postupanja, ugovorni organ će na svojoj internetskoj stranici objaviti informacije o pregovaračkom postupku bez objave obavještenja o predmetnoj nabavci, na način da će objaviti tendersku dokumentaciju i istu učiniti dostupnom za sve druge zainteresirane kandidate/ponuđače, te iste pozvati za učešće u postupku.

Poziv za učešće u predmetnoj javnoj nabavci poslan je ponuđaču dana 18.02.2020..godine sa rokom za prijem zahtjeva za učešće do 26.02.2020.g (SRIJEDA) do 10,00 sati, i otvaranjem ponuda/zahtjeva za učešće zakazanim za dan 26.02.2020.g. u 10,10 sati.

Nakon isteka roka za dostavljanje zahtjeva za učešće, Komisija za nabavke je u 10,05 sati pristupila realizaciji **I faze** nadmetanja odnosno predkvalifikacije tj. analizi dokumentacije priložene uz zahtjev za učešće u smislu provjere njihove validnosti obzirom na iskazane kvalifikacione zahtjeve ugovornog organa u tenderskoj dokumentaciji, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija konstatuje da zahtjev za učešće/ponudu dostavio je jedini pozvani kandidat:

1. „MGM FARM“ d.o.o. KAKANJ

I Komisija je tražila dostavu sljedećih dokumenata kao bi kandidati dokazali svoju kvalificiranost:

Lična sposobnost kandidata (član 45. Zakona o javnim nabavkama BiH)

U svrhu dokazivanja lične sposobnosti kandidat je dužan dokazati da:

- a) u krivičnom postupku nije osuđen pravosnažnom presudom za krivično djelo organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi s plaćanjem direktnih i indirektnih poreza u skladu s važećim propisima u Bosni i Hercegovini ili zemlji u kojoj je registrovan.

U svhu dokazivanja kvalifikovanosti iz tačke 6.1. kandidat je dužan dostaviti Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH Aneks 2 (u prilogu ove TD), ovjerenu kod nadležnog organa. Ukoliko kandidat bude odabran kao najpovoljniji ponudjač, dužan je dostaviti original ili ovjerene kopije dokumenata navedenih u svrhu dokazivanja činjenica datih u Izjavi, i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Izjava ne smije biti starija od 15 /petnaest/dana od dana predaje ponude.

Original ili ovjerene kopije dokumenata ne mogu biti stariji od tri (3) mjeseca, računajući od momenta predaje ponude i moraju sadržavati potvrdu da je u momentu predaje ponude kandidat ispunjavao sve uslove koji se traže TD,u protivnom će se smatrati da je kandidat dao lažnu izjavu iz člana 45. Zakona o javnim nabavkama BiH .Dokaze je izabrani ponudjač dužan dostaviti na adresu ugovornog organa u roku od 5 (pet) dana od dana zaprimanja obavještenja o dodjeli ugovora.

Kao dokaz o ispunjavanju uslova iz tačke 6. 1. pod c) i d), ugovorni organ prihvata i sporazum kandidata sa nadležnim poreskim institucijama o reprogramiranom, odnosno odloženom plaćanju obaveza, uz dostavljanje potvrde od strane poreskih organa da kandidat u predviđenoj dinamici izmiruje svoje reprogramirane obaveze.

Ponuđač je dužan u svrhu dokazivanja **profesionalne djelatnosti** dokazati da je:

- a) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude.
- b) upisan u registar veletrgovaca prometa lijekova kod Agencije za lijekove i medicinska sredstva BiH

U svrhu dokazivanja uslova obavljanja profesionalne djelatnosti, ponuđač je dužan dostaviti:

- a) **aktuelni izvod** iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude,
- b) **rješenje o upisu** u registar veletrgovaca prometa lijekova kod Agencije za lijekove i medicinska sredstva BiH

Dokazi pod a) dostavljaju kao ovjerena kopija originala s tim da datum izdavanja originala (samo za uslov pod a) ne može biti stariji od tri mjeseca računajući od dana dostavljanja ponude. U svrhu dokazivanja uslova iz tačke b) ponudjač je dostaviti važeću dozvolu za promet lijekovima na teritoriji Bosne i Hercegovine koju je izdala Agencija za lijekove i medicinska sredstva BiH. Dokazi se dostavljaju kao obične kopije. Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ponuđač je dužan u svrhu dokazivanja **tehničke i profesionalne sposobnosti** dokazati da:

- a) da su lijekovi koje nudi registrovani kod Agencije za lijekove i medicinska sredstva BiH.
- b) da ponudjeni lijekovi posjeduju odgovarajuće uvjerenje ili certifikate o kvalitetu izdato od strane organa ovlaštenog za verifikaciju proizvođača (samo ukoliko lijekova traženih javnom nabavkom nema upisanih u registru sredstava kod Agencije za lijekove i medicinska sredstva BiH)

U svrhu dokazivanja uslova iz tačke a) ponuđač je dužan dostaviti obične kopije važećeg dokumenata-rješenja Agencije za lijekove i medicinska sredstva BiH o upisu medicinskih sredstava u Registar lijekova i medicinskih sredstava u Bosni i Hercegovini.

U svrhu dokazivanja uslova iz tačke b) ponuđač je dužan dostaviti:

- CPP certifikat za ponuđeni lijek,
 - CoA certifikat za kvalitet supstance,
 - GMP dokaz o dobroj proizvodnoj praksi,
 - Izjava ponuđača da će uz isporuku lijeka dostaviti ovjerenu kopiju saglasnosti za uvoz lijeka izdatog od strane Agencije za lijekove i medicinska sredstva BiH (originalan dokument).
- Izjave i dokumenti o uslovima za isporuku robe**

Obezbjedjenje uslova za isporuku robe kandidat dokazuje na osnovu slijedećih dokumenata:

- Izjava ponuđača o nepromjenljivosti cijene iz ponude za sve vrijeme trajanja ugovora,
 - Izjava ponuđača o prihvatanju roku isporuke u skladu sa tačkom 5. TD,
 - Izjava ponuđača o prihvatanju mjesta isporuke u skladu sa tačkom 4. TD,
 - Izjava ponuđača prihvatanju važenje ponude u trajanju od 120 /stodvadeset/dana
 - Izjava ponuđača o prihvatanju načina plaćanja u roku od 60 /šezdeset/ dana bezavansno
- Zahtjev za učešće mora sadržavati izjave i dokumente tražene ovom TD, i to:

- *Zahtjev za učešće na Obrascu Prilog 1;*
 - Popis dokumentacije priložene uz ponudu
 - Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH (Prilog broj 2), ovjerenu kod nadležnog organa,
 - Dokumente i izjave iz tačke 6. Tenderske dokumentacije (saglasno čl. 45., 46., Zakona o javnim nabavkama BiH) - u skladu sa TD,
 - Izjava o ne davanju mita i ne učestvovanju u radnjama koje za cilj imaju korupciju u predmetnoj javnoj nabavci (čl.52. Zakona o javnim nabavkama) (Prilog broj 3 TD), ovjerenu kod nadležnog organa;
 - Obrazac povjerljivih informacija, Prilog broj 4. TD,
 - Izjave kandidata iz tačke 6.3. Tenderske dokumentacije
- Ukoliko Zahtjev za učešće/ponude, umjesto lica upisanog u sudski registar, potpisuje ovlašteno lice, potrebno je uz Zahtjev za učešće, dostaviti i
- Original ili ovjerenu fotokopiju punomoći lica ovlaštenog za potpisivanje Zahtjeva za učešće/ponuda.
- Prilozi koji se dostavljaju uz zahtjev za učešće :

-Prilog 1: OBRAZAC ZA DOSTAVLJANJE ZAHTJEVA ZA UČEŠĆE U PREGOVARAČKOM POSTUPKU NABAVKE BEZ OBJAVE OBAVJEŠTENJA

-Prilog 2: Izjava o ispunjenosti uslova iz člana 45. stav (1) tačka od a) do d) Zakona o javnim nabavkama BiH

-Prilog 3: Izjava o nedavanju mita i neučestvovanju u radnjama koje za cilj imaju korupciju iz člana 52. stav (2) Zakona o javnim nabavkama BiH

-Prilog 4. Obrazac povjerljive informacije

2. Kandidat **„MGM FARM“ d.o.o. KAKANJ**, je dostavio slijedeća tražena dokumenta:

- Sadržaj ponude; potpisan i ovjeren od strane ovlaštene osobe
- Obrazac za dostavljanje zahtjeva za učešće, **Prilog broj 1**, popunjen, potpisan i ovjeren od strane ovlaštene osobe;
- Obrazac izjave o ispunjenosti uslova iz člana 45. stav (1) tačka od a) do d) Zakona o javnim nabavkama BiH, **Prilog broj 2**, ovjeren kod nadležnog organa 19.02.2020. godine;
- Aktuelni izvod iz sudskog registra Općinski sud u Zenici, broj: 043-0-RegZ-20-000243 od 29.01.2020.g. kopija ovjerena kod nadležnog organa 19.02.2020. godine;
- Rješenje Agencije za lijekove i medicinska sredstva BiH kojim ponuđač ispunjava uvjete za obavljanje djelatnosti prometa lijekova na veliko, broj: 10-07.-12-5-2554-1/16 od 12.05.2016 g. kopija ovjerena kod nadležnog organa 19.02.2020. godine;
- Rješenje Agencije za lijekove i medicinska sredstva BiH o izmjeni rješenja kojim ponuđač ispunjava uvjete za obavljanje djelatnosti prometa lijekova na veliko, broj: 10-07.-12-5-2554-3/16 od 18.07.2019. g. kopija ovjerena kod nadležnog organa 19.02.2020. godine;

- Rješenje Agencije za lijekove i medicinska sredstva BiH da se u obnovljenom postupku dozvoljava stavljanje u promet gotovog lijeka, broj: 04-07.3-2-4112/17 od 28.08.2020.godine, potpisana i ovjerena od strane ovlaštene osobe,
- Izjava iz člana 52 Zakona o javnim nabavkama, **Prilog broj 3**, ovjerena kod nadležnog organa 19.02.2020.godine;
- Povjerljive informacije; **Prilog broj 4**, potpisana i ovjerena od strane ovlaštene osobe,
- Izjava ponuđača o nepromjenjivosti cijena za vrijeme trajanja ugovora, potpisana i ovjerena od strane ovlaštene osobe,
- Izjava ponuđača o roku isporuke od 7 dana od dana dostave narudžbe ugovornog organa, potpisana i ovjerena od strane ovlaštene osobe,
- Izjava ponuđača o mjestu isporuke, potpisana i ovjerena od strane ovlaštene osobe,
- Izjava ponuđača o roku važenja ponude od 120 (stodvadeset) dana, potpisana i ovjerena od strane ovlaštene osobe,
- Izjava ponuđača o prihvatanju roka plaćanja- sa rokom plaćanja od 60 (šesdeset) dana od dana prijema fakture na protokol ugovornog organa, potpisana i ovjerena od strane ovlaštene osobe,
- Punomoć na ime Srebrenica-Goga Amilu, Centelege Alisu, i Hadžić Almu da u ime ponuđača može potpisati i ovjeriti sve izjave ponude, kopija ovjerena kod nadležnog organa 30.01.2020. godine.

Komisija utvrđuje da kandidat zadovoljava kvalifikacione uvjete, utvrđene članom 10. TD, odnosno sa izjavama i dokumentima traženim u tačke 4 i 9. TD, te se konstatuje da je kandidat uz Zahtjev za učešće dostavio dokumente tražene TD u ovjerenim kopijama. Kandidat „MGM FARM“ d.o.o. Sarajevo, pozvan je da dostavi inicijalnu ponudu do 03.03.2020. godine do 13,00 sati, otvaranje koverta sa inicijalnom ponudom istog dana 13,05 sati, te vođenje pregovora sa kandidatom 03.03.2020.godine u 13,15 sati.

II Uvidom u Inicijalnu ponudu, uslove propisane TD i suštinskom provjerom sadržaja i validnosti dokumentacije, Komisija je utvrdila da je ponuđač uz Inicijalnu ponudu dostavio sljedeća tražena dokumenta:

1. Naslovna strana,
2. Sadržaj Inicijalne ponude,
3. Osnovni podaci o ponuđaču,
4. Obrazac za dostavljanje inicijalne ponude – Prilog 1
5. Obrazac za cijenu inicijalne ponude – Prilog 2
6. Obrazac izjava dobavljača o prihvatanju garancije za dobro izvršenje ugovora – Prilog 3
7. Parafiran i potpisan nacrt okvirnog sporazuma Prilog 4
8. Izjava o prihvatanju općih i posebnih uslova tenderske dokumentacije -Prilog 5
9. Punomoć za lica Srebrenica-Goga Amila, Centelege Alisa i Hadžić Alma, ovjerena kod notara

Komisija za nabavku je uvidom u Obrazac za cijenu Inicijalne ponude utvrdila da je ponuđena cijena ukupno **124.960.00 KM** bez PDV-a. Komisija je utvrdila da je ponudjač dostavio sva tražena dokumenta te da se može pristupiti pregovorima sa istim. Pregovori će se obaviti odmah nakon završetka ocjene Inicijalne ponude. Sastanak završen u 13,15 sati.

Pozvan je predstavnik ponuđača da se očituje u pogledu davanja popusta ili rabata u odnosu na ponuđenu cijenu u Inicijalnoj ponudi. Ponuđač je u vezi Inicijalne ponude izjavio sljedeće: *Nakon evaluacije ulaznih parametara cijena robe razmotrit ćemo mogućnost davanja popusta koji će biti iskazan u konačnoj ponudi bice iskazani u Konačnoj ponudi. U ostalim uvjetima ostajemo u cjelosti kod ponude.*

Komisija je nakon pregovora obavijestila ponudjača da će biti pozvan da dostavi svoju konačnu ponudu **05.03.2020. god.** do **12,00** sati na bazi uvjeta koji su razmotreni na pregovorima.

IV Uvidom u Konačnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponuđač uz Konačnu ponud dostavio sljedeća tražena dokumenta:

- Popis dostavljenih dokumenata/sadržaj ponude
- Obrazac za dostavljanje konačne ponude - Aneks 1
- Obrazac za cijenu konačne ponude - Aneks 2
- Punomoć za lica Srebrenica-Goga Amila, Centelege Alisa i Hadžić Alma, ovjerena kod notara

Komisija za nabavku je uvidom u Obrazac za cijenu Konačne ponude utvrdila da je ponuđena cijena ukupno **120.700.00 KM** bez PDV-a., ponuđača „MGM FARM“ d.o.o. KAKANJ. Komisija je utvrdila da je ponudjač „MGM FARM“ d.o.o. KAKANJ dostavio sva tražena dokumenta, da je Konačna ponuda zadovoljila kriterije za zaključivanje ugovora. Procijenjena vrijednost nabavke je 119.520,00 KM bez PDV-a.

Komisija jednoglasno donosi preporuku da se Direktor JU Kantonalna bolnica Zenica predloži donošenje odluke o izboru ponudjača „MGM FARM“ d.o.o. KAKANJ kao najpovoljnijeg i jedinog ponudjača za nabavku robe: **Lijek ALTEPLAZA za potrebe JU KBZ (tender broj: 31-A-05/20)**, na iznos ponuđene cijene od **120.700.00 KM** bez PDV-a, te zaključivanje okvirnog sporazuma sa odabranim ponuđačem na period od 3 (tri) godine.

Na osnovu gore navedenog, donesena je odluka kao u dispozitivu.

Pouka o pravnom lijeku;

Protiv ove odluke može se uložiti žalba Kantonalnoj bolnici Zenica u roku od 10 (deset) dana od dana prijema iste.

